

From: UUM CORPORATE COMM.
Sent: Tuesday, November 26, 2019 9:23 AM
To: UUM - All Students; UUM - All Staff
Subject: 40 Anak Perlis Tabur Bakti Bersama Keluarga Angkat



UUM Corporate Comm.
Universiti Utara Malaysia

26 NOVEMBER 2019 / 29 RABIULAWAL 1441H

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Muhammad Tasnim Abd Razar
Gambar Oleh: Muhammad Aizat Asymawi

40 ANAK PERLIS TABUR BAKTI BERSAMA KELUARGA ANGKAT



UUM ONLINE: Perlis - Seramai 40 pelajar Universiti Utara Malaysia (UUM) yang merupakan anak kelahiran negeri Perlis kembali ke negeri asal menabur bakti bersama keluarga angkat pada program Muafakat Menyumbang Bakti di Kampung Sena, Arau, baru-baru ini.

Pengarah program, Siti Nurzariena Rozani berkata, program itu merupakan salah satu platform untuk anak Perlis di UUM yang merupakan ahli Kelab Patriot Chapter Perlis UUM untuk kembali menabur bakti di negeri tumpah darah mereka.

Katanya, sepanjang program Bakti Siswa (Baksis) yang disertai oleh 14 pelajar lelaki dan 26 pelajar perempuan ini mereka tinggal dengan keluarga angkat masing-masing selama dua hari.

"Mereka bukan sahaja berpeluang untuk mendalami dan mengenali penduduk di kampung itu, malah dapat membantu keluarga angkat sepanjang bersama mereka.

"Pengalaman membantu mengendalikan kedai menjual barangan runcit, menyusun barangan kraf dan kedai tempahan pakaian sedikit sebanyak dapat mendalami kehidupan keluarga di Perlis ini," katanya.

Sepanjang program tersebut, turut dibuka kaunter Tabung Haji, Jabatan Pendaftaran Pertubuhan, Suruhanjaya Pilihan Raya, Perbadanan Tabung Pendidikan Tinggi Nasional (PTPTN), Jabatan Pengangkutan Jalan (JPJ) dan St. John Ambulans Malaysia bagi penduduk disitu untuk mendapatkan khidmat yang disediakan oleh semua agensi terbabit.

Majlis penutup telah dirasmikan oleh Pengerusi PTPTN, Wan Saiful Wan Jan dan hadir sama Pengarah Bahagian Pembangunan Pelajar, Jabatan Hal Ehwal Pelajar, Mohd Ashari Yaakub dan Penasihat Kelab Patriot Chapter Perlis, Samsudin Oli Mohamed.



Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.